

佛祖統紀

十九之

風陵文庫

文庫19

F 229

5



山門禪定  
蘭若藏本

P0229-(5)

諸祖旁出世家第一

佛祖統紀卷九

天宋景定四明東湖沙門志磐撰

南岳旁出世家

世二南岳僧照禪師

南岳大善禪師

枝江慧成禪師

藍谷慧超禪師

巴丘慧耀禪師

雲峯慧涌禪師

江陵慧威禪師

鍾山智瓘禪師

仙城慧命禪師

新羅玄光禪師

枝江慧瓘禪師

此下二人  
見南岳紀

南岳靈辯禪師

南岳淨人方合

郢州刺史

劉懷寶

此下三人  
南岳紀

光州五百家巴子立

南岳府君

統紀

影堂二十八人師見光

業高四百此下見善師傳

信重三千

世三南澗慧旻禪師此下四人

什堂受煎一人

火光三昧一人

水光三昧一人

衡陽令陳正業師見善

瓦官法喜禪師

智者旁出世家師見善

瓦官法慎禪師

世二天竺真觀禪師

國清智噪禪師

國清智越禪師

國清法彥禪師

國清普明禪師

廬山大志禪師

佛隴智晞禪師

廬山智錯禪師

廬山智錯禪師

玉泉道悅禪師

天台等觀禪師

華頂波若禪師

會稽禮宗禪師

棲霞法嚮禪師

玉泉行簡禪師

國清慧威禪師

碧澗法俊禪師

興皇慧奘禪師

南岳慧稠禪師

當陽德抱禪師

蔣山大忍禪師

佛隴慧辯禪師

玉泉道勢禪師

天台慧瑫禪師

天台慧普禪師

玉泉法盛禪師

玉泉法論禪師

會稽智果禪師

終南法琳禪師

國清智寂禪師

白馬敬韶禪師

定林法歲禪師此天下十一紀 禪衆智令禪師

奉誠法安禪師 玉泉法偃禪師

國清道脩禪師 岳陽曇捷禪師

玉泉義邃禪師 國清師諫禪師

國清如朗禪師 佛隴慧綽禪師

天鄉法延禪師 慧日僧珍禪師

玉泉法才禪師此下四人見百錄 玉泉法璨禪師

玉泉道慧禪師 十住道臻禪師

陳少帝天台紀 陳皇太子

陳永陽王 隋煬帝天台紀

玉泉關王天台紀 中兵參軍陳鍼

太中大夫蔣添玖 開府儀同沈君理

尚書左僕射徐陵 光祿大夫王固

開府儀同柳顧言 五兵尚書毛喜

儒士梁方茂 開府儀同吳明徹此下二人天台紀

岳州刺史王宣武 侍中孔煥此下二人沈傳

僕射周弘正 得門干數梁氏碑

諸祖前列所以明正統也至若旁出法嗣自南嶽照

禪師之下皆足以光昭法運力扶宗門誘掖來機扞

禦外務扞音汗抵也禦音止也務悔同 撫言行之要考師弟之緣

撰歷代諸祖旁出世家

南嶽旁出世家世二

禪師僧照聞南嶽妙善心觀特往參謁凡所指授無不領解後以南岳命行法華三昧用銷宿障妙行將圓觀普賢大士乘白象王放光證明又感觀音為其說法於是頓悟玄旨辯才無礙師於眾中苦行禪定皆為第一嘗用眾一撮鹽作齋飲以所用無幾不以為慮後行方等忽見相起計三年增長至數十斛急賣衣買鹽償眾其相方滅南岳入寂師領眾行道不異於昔

禪師大善幼棲林野常誦法華後參南岳得開觀慧躬行法華三昧所入最深常於山中講釋論時眾推服大都督吳明徹問南岳曰法華禪門真德幾何岳

曰信重三千業高四百僧照得定最深智顛說法無礙兼之者大善也後於禪堂趺坐而逝七日之內天常雨華異香凝結衡陽令陳正業聞師道德之盛每往禮敬蒙未法要內心歡喜後見內史鄭僧杲數稱師德嘗同獵圍鹿一群謂正業曰君常稱善禪師有慈悲三昧力今日其如此鹿何正業即率左右同聲念南無大善禪師應時群鹿騰空而出僧杲為之駭服涅槃五百力士舉石不能佛擲置虛空念力士貢高心息爾時實不舉石當知慈悲善根力念見此事禪師慧成段氏澧陽人初受業於十住寺誦法華淨名勝天王經二十餘卷日為常課既受具遊建業學成實論一聽十年文理略盡將歸本邑聞南岳闡化

之盛即往依之岳以師依文生解激之曰汝一生學問與吾炙手猶不得熱虛喪功夫豈不惜哉師承訓發憤取章疏盡焚之開眼坐禪夜以達且如此五年岳令入方等觀音法華般若三昧歷試諸行以銷宿障行之三年得解衆生語言三昧彼閉目坐禪者觀道雖明開眼或失岳歎之曰智顛先發三昧後證揔持慧成今又及之二子行解亦且齊矣續於荊州枝江名邑創造藍寺殿缺巨梁忽六月江漲夢有木可中梁用往江視之果然信士段弘爲精舍主忽氣絕召師至舍弘乃省曰初被執至王所見師上殿曰我與此人共立功業未辨辨音辨具也周禮辨民器辨俗願省之王起禮

足許之陳後主聞師名召之毅然不往帝又令江捨往迎且戒之曰師若不允不勞返也使人兩渡強邀上船師奮身入水立江中使更請曰若不蒙往揔等粉身無地矣師閱其意從至闕下帝躬請戒法賜所居曰禪慧寺有常律師過師同寢夜擲颯於地明將告別師曰夜來一檀越被凍可憫常大敷求以爲戒一日語門人急登殿階吾當講涅槃及事成建議適智者自玉泉來共談玄理良久入定示滅禪師慧超丹陽沈氏幼入道誦法華聞光州思禪師妙明三觀與天台仙城命禪師同往請業思師對衆稱之曰超之神府得忍人也後入嵩高餌藥坐禪隋

太子勇召集名德摠會京師以師行業不群獨留供養有淨業法師隱居藍谷欽師高道躬事邀迎共止八年倍隆三慧大業初屢詔入宮說法師所居常有數虎以任役使平時誦經五十餘年幾一萬部京邑名匠慧因保恭等成就棲止以事請益後因卧疾示門人曰生不忻死不戚吾之常也第一義空清淨正觀吾之凭杖也乃面西正坐入定遺旨露骸松下以施禽獸弟子如教停月餘顏色不變夜有霞光自身而發時秦王世民聞之唐太宗遣人就視深歎希有衆乃造塔奉藏全身

禪師慧耀姓岐襄陽人初從南岳居數年盡得心觀

之妙岳印之曰子於實相理觀所造既深宜隨方行化以酬本志及南岳入滅師至巴丘歎曰此地禪法罕聞宜可開示有道懿禪師邀居道因寺專尚禪寂不交人事十有四年未嘗出門一日謂人曰吾不欲獨居欲往內華寺問居衆留不從閱三年示疾見南嶽與仙城來迎謂言可同遊淨土即趺坐入寂葬全身於內華

禪師慧涌受法華三昧行法於南嶽行之既久遂獲證入乃隱迹雲峯不與世接六十餘年一志禪定當出定之頃心無他務唯誦法華既而又證火光三昧不知所終

禪師慧威江陵人依南嶽行法華三昧得解一切衆生語言陀羅尼聞人畜禽鳥聲必知其意後又發證神通飛空履水如步平地

禪師智瓊早親南岳修法華三昧證入甚深隱居鍾山未嘗越閩煬帝屢詔勉為一赴帝請問法要禮為國師

禪師慧命天台仙城人來參南岳聞說三觀深悟玄旨得無礙辯說法如瀉將終誡門人精進淨行衆忽見阿彌陀佛與大士來迎即隨佛向西北空而去禪師玄光海東新羅人遠越滄溟求法中夏首造南岳授法華安樂行門稟受勤行俄證法華三昧南嶽

謂之曰汝還鄉國當以善權而行化度若負螟蛉以

成蝶蠃者也詩螟蛉有子蠃負之教誨爾子式穀似之楊子螟蠃之子殪而逢裸蠃祝之

曰類我類我螟蛉桑上青蟲蠃蠃細腰蜂師即禮辭南岳返錫江南值本

國海舶遂獲附載方及大洋忽觀采雲亂目雅樂盈

空絳節霓旌傳呼而至空中聲云天帝召海東玄光

禪師師拱手遜避即見青衣恭敬前導少選入大宮

闕見羽衛陳列鱗介繁錯問以鬼神咸仰敬曰天帝

降我龍宮請法師說已證法門吾曹受益不少矣既

升殿請陟高臺天帝扣問師為開演經七日而畢帝

躬送別向所乘舟泛泛不進師復登舟舟人謂始半

日耳天親上生兜率一遊彌勒座下報無著已六月矣此言天境時分常長今光師龍宮七日說法



回至海船。始平日耳。此蓋龍宮晝夜常短之驗。或致  
 以比地涌品六十小劫。謂如食頃者。據疏記六十非  
 虛。佛威所加。忘其為久。則知今龍宮既非佛國。又非  
 佛加。應以龍宮自謂七日。船人自謂半日。各執情謂  
 以之為實。如荆溪謂六十師既歸國於熊州翁山。結  
 茅為居。集眾說法。久之遂成寶坊。受道之眾咸蒙開  
 悟。升堂受教者一人。文自受記亦云受教入火光三  
 昧者一人。入水光三昧者二人。南岳影堂所圖二十  
 八人。師居一焉。

淨人方合常止。南岳般若臺為眾僧執役。密修禪觀。  
 既獲證悟。復得神通。每伸臂長一丈餘。

新羅光禪師法嗣也。

禪師慧旻。河東人。九歲出家。誦妙經。暮月便過。年十

五請法於光禪師。英偉秀發。宿士稱之。復十五年還  
 嘉禾海鹽土光興寺。誦演法華。眾聞空中諸天。彈指  
 異香滿堂。後止通玄寺。結徒行道十七年間。足不踰  
 閩。隋末天下崩離。吳中饑饉。四眾逃難。唯師守死。禪  
 誦唐室之初。遷居南澗寺。在建有兩兔一彪相親。同  
 止。一日眾聞異香。天樂競以問師。師曰。吾後日當往  
 也。寄世若浮雲。須蚤求度。及期果順化而逝。

智者大禪師旁出世家也。

禪師真觀。字聖達。錢唐范氏。其母誦藥王觀音品。以  
 求嗣。遂生師。舌羅紫文。手有異相。幼聰寤。博通經史。  
 遇善相者。謂之曰。年少當成大器。何滯塵網。師始欲

出家。一親未見許夢天神告曰：汝子法中英傑，何得籠檻於此？父母自是從其志，初讀成實十誦，始開一卷神夢，語曰：汝是大乘法器，勿守小道。陳末陽王伯智夙事師，遣使送師，謂智者致書為贊，智者以齒相若待之，以兄弟高談，寂照金石相宣。時人為之語曰：錢唐有真觀，當天下一半。大忍禪師見而歎曰：龍樹之道方興東矣。時朝廷征周失律，陳宣帝大建十年命吳明徹北伐用兵敗為周人所執議括僧無名者，令休道。師致書左僕射徐陵，事遂寢。隋文帝朝三敕勞問，秦孝王摠管維揚兩加延請，並辭疾不赴。與道安禪師、頭陀於靈隱山中。開皇十四年，郡大旱，刺史劉景安請講海龍王經序。

王義方竟驟雨霈然十五年，始立精舍，號南天竺堂。講法華，用為要業，受持讀誦，躬自書寫。五種法師於茲為備，每盥洗遺涕，地為不濡。有一老人曰：至聽經師延問之，對曰：弟子即此山龍王也。師曰：父旱何不降雨？老人曰：山民無知，鑿斷山脈，諸龍不安，使之若爾。師能為諸龍授戒，勸其向道，則雨可即致。師許之，即作法，召諸龍與授菩薩戒。即時降雨，是夜有峨冠朱服，頂禮作謝。師因問曰：近年多旱，何邪？龍曰：人無正信，多行惡行，以故惡夫。將地肥，流入深土，雖結五穀，食無肥膚，旱涸不常，固有由也。大業七年夏四月，郡司馬李子深請出衆善寺講涅槃經，出山之日，手

標葬處誦至現病品夢三人作禮告曰淨居天遣迎  
禪師六月六日始卧病夢與天台同輦翼佛還山覺  
已歎曰昔六十二當終講法華力得延一紀今七十  
四復致斯應生期必矣乃集眾訓曰欲出生死欲具  
佛法宜須持戒修定慧學弘通正法勿令虛度至七  
月一日眾聞空中伎樂之聲即跌坐示滅道俗獻供  
日致千輩至二十六日容色儼然眉毫增長乃自乘  
善遷窆於所標之地四部大眾直一由旬香蓋成陰  
幢幡蔽野道德之感有若此云師即天竺靈山始祖  
章安尊撰別傳其本  
不存慈雲之世重修其塔作六詩以爲識其序畧曰  
今土門自開一無遺物不知全身隨多寶以證經乎  
像佛離以  
化往乎

禪師法喜力學無倦參知識十七人得大開悟年登  
六十始於大嶽山值遇智者一聞法音頓獲深證於  
是盡舍舊徒專心禪慧陳光大元年與同學二十七  
人從智者至金陵遊化尚書毛喜朝之曰尊師猶少  
弟子何老年時智者師答曰所事者德豈論其年又問  
何以爲德答曰善巧說法即後代富樓那破魔得道  
即今日優波鞠喜善其對常稱之朝列師行方等三  
昧有雉來索命神王訶之曰禪師當往淨土即生得  
道豈償汝命邪後於尾官趺坐入定不起于座而終  
禪師智越南陽鄭氏父與求婚師極辭以拒即出家  
遊方至金陵遇智者北面受業五門六妙莫不深達

誦法華經至滿萬部智者晚歸台嶺付以四衆二十  
年間循循善誘德量寬曠學者歸心所居之處瓶水  
自滿自晉王造寺及登帝位山中每遣僧使奉啓致  
賀必以師名居首上虛已加故若智者在日無異每  
獲囑施用爲功德未嘗有所畜也大業十二年十一  
月二十三日告衆爲別右脇而逝風悽雲慘地動山  
頽天雨異華一境冥晦

禪師法慎初居金陵大莊嚴寺從智者稟受三觀豁  
然深證因定發持一聞能記陳大建三年智者於凡  
官說次第禪門師於聽次私記爲三十卷尚未修治  
不幸入滅其後章安治定爲十卷即禪波羅密漸次

止觀也

禪師普明會稽朱氏少有異志嘗聚沙爲塔刈蒿爲  
殿有僧乞食見之曰卽子有善根可向天台出家彼  
有初依菩薩現身說法陳大建十四年來天台值智  
者講次座衆初散禮足歸依智者笑曰宿世願力今  
復相遇於是服勤左右專習禪法行方等般若諸三  
昧誦通法華後隨智者止廬山於陶侃瑞像閣行請  
觀音三昧隆冬身不衣絮正行道間見一異僧謂之  
曰汝名法京未爲嘉稱可改爲普明此言明者謂能  
照了三世也智者聞之曰旣是冥示宜從新名智者  
住玉泉令造大鐘充佛隴用勸江陵道俗競爲經營

偶盲人來視師知相不吉。摸開果缺，乃倍工再治。誠不具者，莫至其聲遠聞七十里。暨居國清，以取水為艱，指其石曰：「此石出水，不亦快乎？」泉即涌出。日給于衆，掌鑄文六盧舍那像，感異人施金為助。國清講堂狹小，師欲廣之。章安勸勿改，俄而括州都督周孝節溫州在陳隋為括州施杉柱，泛海而至。章安在赤城，忽見師身十餘丈，高出林表，翼從數十人，語章安勿苦諫。吾所作當有成。章安感其神異，望林合掌致敬曰：「當依仁者，區畫創堂之日，感山神隱形而至，勢若雷震，摧樹傾枝，闊一步許，自佛隴下至於寺。日暮還返，聲如初至。比房闢，師與之共語多，勸神為善，建堂既畢，忽著

故破衣，與衆言別，奄然坐逝。信宿屈左，三指師不畜私財，以所得施造金銅像十軀，闕大藏一，適每作利益事，一運其心，金帛自至。合入藏五禪師智瑛，臨海張氏父，懷仕陳，為中兵參軍。年十七，二親俱亡，服滿染病，久醫無效，乃力疾出庭，向月而卧，至心念月光菩薩繫念，旬日夜中夢人以口就身，噓吸如此。三夕疾遂瘳，因投安禪寺出家。聞智者為世良導，即往請業行法華三昧。至二七月初夜，懺畢就牀欲坐，見九頭龍從地而起，上升虛空。智者釋之曰：「此表九道衆生聞法華經，將破無明地，入法性空耳。」掌往寶林寺行懺。初夜有人來撼戶，扇師問何人

答云我看燈耳有成禪師問之曰此堂有惡鬼今此  
聲者鬼也即啓永陽王遣十人執杖爲護師謝遣之  
曰命由業耳是夜鬼入堂槌壁擊柱周徧東西師行  
道禪誦坦然無懼三七日內事常如此行法將訖見  
一青衣童稱讚善哉言已不見又因往會稽路由剡  
縣乞食主人誤進毒蠶食訖前邁主人啖者甘吐利  
委頓鄰人追師十里語之師笑曰貧道幸無他大業  
元年煬帝巡幸揚州師自國清衛使命至行在所引  
見內殿賜坐尉勞遣通事舍人盧正方送還山爲智  
者設千僧齋度一百人師前後八入參覲主上每加  
異禮唐貞觀十一年無疾正坐入滅壽八十三

禪師智晞陳氏潁川人先世遊宦寓家於越年二十  
往投智者剃度稟受禪訣且夕研心不見倦色智者  
心滅受命居佛隴時衆行三昧者頗盛殿堂展闢制  
度嚴整唯香臺未架當香鑪峯多擗柏木師欲伐用  
衆疑神所據夜夢神送疏舍木遂遣伐之寺衆法雲  
欲往峯頂禪坐師止之曰汝道力微弱山神剛猛不  
宜往雲不從甫留一夕神現形驅令還初智者勸沿  
江居民舍簷梁爲放生池歷年未久復行漁捕師與  
章安禮智者塔焚香咒願有漁人見僧立簷上意謂  
墮水者乘舟往救忽不見若人觀驗遂停採捕時群  
獸悲鳴衆鳥翔集屢日不止東山銅鐘忽響震山谷

師曰此召吾也乃香湯沐浴趺坐執如意說法良久  
寂然無聲衆方號泣復啓自戒之曰有生必滅寧足  
為悲或問生處曰據吾夢驗當在兜率宮殿青色居  
天西北涅槃經以兜率天常受青色見吾先師侍左  
右者皆坐寶座唯一座空吾詢所以答云卻後六年  
頂法師當升此座說法師常往阿育王寶塔禮八萬  
四千拜感紫文印手方整明瑩臨終告弟子曰衆聖  
印我吾今往生內院矣忽聞弦管之聲即趺坐而化  
時貞觀元年十二月十八日也  
禪師法彥清河張氏陳大建七年侍智者於天台授  
禪那之旨寂坐林間不居房舍常入定七日方起智

者證之曰如汝所證是背捨觀中第二觀相山神數  
燒試之恬不為動專修禪法三十餘年常坐不卧隋  
大業七年二月晦於國清趺坐而化  
禪師智錯音措豫章夏侯氏博通三論著名當世及見  
智者稟受禪法深有開悟晚入廬山造大林精舍專  
志修禪莫測其證二十餘年影不入俗隋文帝召入  
京辭疾不赴豫章郡守請講法華力拒之曰吾當終  
於山舍既而道俗懇請不已兔為之行論經未竟果  
終於州治之寺人始悟其先知時炎暑正盛端坐如  
生異香滿城數日方歇衆奉禪龕還葬廬阜  
禪師大志會稽顧氏依智者出家以其志趣高放為

立此名每誦法華音聲清轉聽者忘疲既獲聞禪要  
乃於廬山甘露峯行杜多行投身猛虎虎輒避去山  
粒或絕終日忘餐或得餅果繼命而已如是七載禪  
誦不休晚住福林會大業中屏除佛教師素服哭於  
佛像前者三日誓舍身申明正道遂往東都上表曰  
願陛下興隆三寶貪道當然誓報國上許之遂集七  
衆設大齋絕糧三日升大棚布裹其臂灌蠟作炬度  
火然之光耀巖壑見者莫不心痛師面色不變讀佛  
誦經爲衆說法聲未嘗絕燒畢下棚入定七日跏趺  
而終撰願文七十紙廬山諸寺除夜衆集讀誦此文  
爲之酸結

禪師道悅昭立張氏十二投玉泉依智者出家誦大  
品般若及妙經自爲常課時造寺之初未有鐘磬師  
於泉源得怪石懸之每誦經卷通輒扣一下聲韻清  
徹聞者肅然幽冥之徒屢獲祥感偶患水脹腹急如  
鼓唯念般若求勝應一夕腹水迸流洪腫消退隋末  
兗賊朱粲率徒入山師端坐不動曰吾沙門也淨幻  
形骸任加白刃賊異之不敢犯師身衣麻紵日止一  
食常分其半以資飛走或翔集肩上海招來掌中慈  
善所熏忘懷無畏衣雖弊壞絕無蚤虱常於鄰居乞  
飢養之勸其莫殺居山五十年操行若一臨終預與  
人別即端坐合掌而逝後有人見僧跪足擎鉢於清



溪之上自稱為般若師蓋師常誦是經人以是為稱也

禪師等觀富陽孫氏受心觀於智者居天台常誦法華貞觀九年冬餘杭法忍寺請師誦演明年正具有王服者至稱臯亭廟神來謁師曰禪師昨過廟庭適弟子巡遊不及奉迎今故遠來專求戒法師即索鑪然香為授菩薩大戒禮謝而退明日夜半沐浴更衣面西趺坐稱三聖尊號及智者號各百餘聲復為慧法師說三觀法門且云此吾親承大師口說言畢而終

禪師波若高麗人開皇十六年來詣佛隴求禪法未

及有所證悟智者謂之曰汝於此有緣須間居靜處成辨妙行華頂峯去此六七里是吾昔日頭陀之所住彼進道必有深益師即遵奉明誨宴坐十六年未嘗下山忽一日往佛隴上寺有三人侍行須臾不見次至國清下寺告別同志居數日無疾而化龕出寺門開眼示別至山閉目如故

禪師禮宗宋氏會稽人初參長壽通達禪觀壽曰良玉徑尺十仞之士不能掩其光後往見智者學三觀法門大有契悟嘗注涅槃經疏為時所重景龍三年唐中御史馮忠忽暴亡有二童子領師庭對判官案覆罪籍見亡舅張思義曰汝不合居宮中亂越致此

冥追可發願造沮槃疏并鑄鐘庶消往過疏是禮宗  
禪師所述者此師親見智者傳授每有天神守護忠  
依冒誠遂獲放回尋疏未獲再被冥譴忠乞三日尋  
寫復俾其返誠意搜求果得其本遂急為經理後以  
壽終

禪師法響揚州人年十六辭親入道從智者學誦通  
法華乃於棲霞寺側立法華堂行三昧既獲證悟默  
而不言山中猛虎自害數人眾設大齋以為禳禱忽  
一虎入眾中攫一人去師高聲呼云今日事為汝設  
齋可放此人虎即置人而退頃之群虎數十大集齋  
所舉眾驚避師至虎前以杖扣群虎頸為其說法自

此之後遠道無迹

禪師行簡親承智者剃度稟受禪法常坐不卧智者  
在玉泉令往澧州教化耕牛回至中路忽逢群盜斬  
師之首奪牛而去師之屍形即從地起以手捧頭安  
項上健步如飛來追賊黨賊皆驚異遂還其牛誓終  
身為奴以求謝過今莊中佃奴有姓向者是其後式向

亮反

禪師慧威依智者學心觀頓獲開悟後受遺訖造國  
清寺凡所建立效力為多密行殊常人不能測

禪師法俊初於金陵見智者行法華三昧即獲悟入  
後弘法於碧澗學者歸仰入滅之日仙樂盈空天香

且野大衆望其隱隱西去

禪師慧獎初居興皇寺謁智者學深禪定每誦法華人聞天香滿室非世所有

禪師慧稠參智者學三觀後居南岳背誦法華華嚴日為常課外人掌見天神翼衛左右

禪師德抱當陽人從智者學禪法久而獲證誦法華多瑞應數十里咸聞異香煬帝敬異錫號大覺禪師

禪師大忍擅德梁代養道將山時與智者義集山中頓悟禪慧乃歎服曰此非文字所出乃是觀機縱辯

般若非鈍非利利鈍由機豐富適時是其利相池深華大鈍可意得智論見雨猛知龍粗觀池深知華大餘輝有幸可不自

慶

禪師慧辯稟姿聰寤聞智者開演觀道默記無遺如水傳瓶一滴不漏後於佛隴會別大衆架木成樓舉

火焚軀用報佛德煙籠林表舍利交疑禪師道勢幼負材器徧參知識凡所入室莫投其機

及見智者於玉泉開說止觀頓獲妙悟禪師慧瑫聞智者說法即入深定一坐旬日率以為常所居之室神光夜照

禪師慧普早親智者聞深禪法常行法華三昧感普賢乘大白象放光照身忽然悟入

禪師法盛初於玉泉見智者稟受法要且夜不離禪

定後親受觀心論深悟玄旨智者既往乃於玉泉大  
敷教化唐初入京師每說法口出光明四眾戴仰同  
於真佛朝廷尊其道賜號悟真禪師  
禪師法論依玉泉學與會稽智果終南龍田法琳皆  
同學智者並與智者作傳皆不復存章安所撰別傳  
用國清智寂禪師本稍加增益遂行於世此四師雖  
無事迹可尋亦皆當時得道英器見百錄序及別傳注  
禪師敬韶會稽上虞顏氏初於白馬寺弘化十年智  
者居瓦官躬詣求學深入定慧陳至德元年十月卒  
於鍾山開善寺  
禪師僧珍師事智者行解甚著初住京師勝光寺唐

武德四年唐高祖簡取名勝住同華兩州朝廷舉師住

住慧日時論是之佛道論衡

陳皇太子淵後主子也至德四年正月十五日於崇

正殿設千僧齋請大師授菩薩戒百錄請戒文名淵南史各深恐因請

戒改其請戒文云重道尊師由來尚矣請世世結緣此各

遂其本願授戒之日傳香在手臉下垂淚師為立名

善萌及後為隋所破方悟垂淚者識自傷也善萌者

不成材幹也禎明三年正月隋破陳兵士扣閣而入

時太子年方十五安坐勞之曰戎士在路不教勞乎

三月隨後主入隋不知其終

陳永陽王伯智字策之文帝第八子至德初出為東

陽刺史請大師出鎮開講致書至三師遂往王與子  
湛家人同稟菩薩戒執弟子禮晝聆講說夜習坐禪  
誦事將解立法名曰靜智製疏文設大會度人出家  
鑄大士像其疏有云願生生世世與天台闍梨及講  
衆黑白恒結善友俱向一乘師謂門人智越曰吾欲  
勸王修福禳禍越曰府僚非舊或有炎涼遂止其後  
王出遊墜馬將絕師爲牽衆行觀音懺法遂覺微醒  
凭几而坐見一梵僧手擎香鑪遶王一匝香氣襲回  
痛惱頓釋

陳鍼智者之兄爲梁晉安王中兵參軍年四十仙人  
張果相之曰死在暮月師令行方等懺鍼見天堂門

牌曰陳鍼之堂後十五年當生於此果後見鍼驚問  
曰君服何藥答曰但修懺耳果曰若非道力安能超  
死竟延十五年而終智者嘗爲其撰小止觀容受修  
習夙夜不怠

蔣添玖官太中大夫兵明徵位儀同公世陳朝貴重  
同稟息法久習不懈神明凝寂雖舊苦脚疾亦爲之  
愈

沈君理字仲倫吳興人母陳武帝女會稽長公主位  
儀同受大師菩薩戒製疏請住瓦官開法華經題宣  
帝敕停朝一日令群臣往聽時光祿王固侍中孔煥  
尚書毛喜僕射周弘正俱服戒香同餐妙法仍請一

夏剖釋玄義道俗俱會開悟為多妙文云九旬談  
徐陵字孝穆東郊人音母臧氏夢五色雲化為鳳集  
左肩上已而誕陵年數歲家人攜以候沙門寶誌摩  
其頂曰天上石麒麟也光宅雲法師見陵歎曰顏回  
之疇也八歲善屬文少仕於梁陳大建中官至尚書  
左僕射嘗夢其先人曰禪師是吾夙世宗範汝宜一  
志事之陵奉冥訓資敬盡節參不失時拜不避濕每  
蒙書疏則洗手焚香冠帶三禮屏氣啟封對文伏讀  
儀同沈君理請開法華陵預聽席以為餘年得逢妙  
說致書自慶後對大師立疏發五願云弟子思出樊  
籠無由羽化既善根微弱冀願力莊嚴一願臨終正

念成就二願不更三塗三願不高不下處託生四願  
童真出家如法奉戒五願不墮流俗之僧憑此誓心  
以策西暮二書見陵後身果為法華第六祖嗣章安  
之位陳後主在東宮召陵講大品義學名僧自遠雲  
集陳既破嘗隨智者研精法要晉王求淨名義疏大  
師續為撰成二十八卷陵與柳顧言並應奉文義  
王固字子堅陳光大初為侍中進金紫光祿大夫終  
身不茹葷夜則坐禪晝誦佛典嘗騁魏因宴饗請停  
殺一羊羊至固前跪拜若謝又宴昆明池魏以南人  
嗜魚大設網罟固以佛法禁之一鱗不獲大師誦法  
華於瓦官固預法會即座開悟宛同宿學

柳顧言法名正善河東人晉王初受菩薩戒遣顧言  
送智者施物及屢奉王教往留智者頻聞法要深有  
省發智者回自江陵晉王重乞稟受禪法師為著淨  
名義疏初卷顧言與徐陵奉酬文義後智者續成玄  
義十卷顧言報曰持往仁壽宮服讀八徧粗疑略盡  
細闇難除新治六卷并入文八軸為莊治未竟少日  
鑽研今遣使人蕭通國參承書意自當仰簡顧言頻  
被顧問每答以大師必來願在夏竟便事舟楫冀此  
殘年盡心聽受懺悔往日懈惰之咎大業元年冬煬  
帝敕顧言為智者建碑於大台國清主文尚理人服  
其工官至儀同三司

毛喜字伯武陽武人少好學善草隸陳宣帝時為五  
兵尚書瓦官法會獲顧聽眾懇求禪要躬執弟子禮  
受六妙門及四十二字法門且夜研習不因事廢大  
師在石像欲往天台營道場喜致書勸回謂鐘嶺攝  
山亦足棲心而大師志願有素不復可挽

諸祖旁出世家第一

諸祖旁出世家第二  
佛祖統紀卷十  
天宋景定四明東湖沙門  
志磐 撰

諸祖旁出世家第二

佛祖統紀卷十

天宋景定四明東湖沙門

撰

章安旁出世家

南岳大慧禪師

龍興弘景禪師

天台明曠禪師

嘉祥吉藏禪師

玉泉道素禪師

三耆閣智拔禪師嗣藏師

二天宮旁出世家

二永嘉真覺禪師

左溪房出世家

二焦山神邕禪師

支硎道遵禪師



佛隴大義禪師

紫金元宗禪師

四明道源禪師

婺女清辯禪師

婺女行宣禪師

婺女圓淨禪師

婺女法開禪師

三衢道賓禪師

三衢慧從禪師

毗陵守真禪師

錢唐法燈禪師

錢唐法真禪師

會稽法源禪師

新羅法融禪師下三人  
左溪紀

新羅理應禪師

新羅純英禪師

居士傅禮

居士王元福

三焦山智昂禪師下四人  
嗣邑師

焦山靈澈禪師

焦山進明禪師

焦山慧照禪師

支硎靈輪禪師下四人  
嗣遵師

支硎法盛禪師

支硎道忻禪師

支硎靈源禪師

荆溪旁出世家

天合文獻禪師

二南岳普門禪師

龍興元皓禪師

華頂行滿禪師

天台智度禪師

建安法顯禪師

翰林學士梁肅

吏部郎中李華

散騎常侍崔恭下二人  
皓師傳

諫議大夫田敦

身通三十九人大律師  
傳論

三曇環禪師嗣門

智淨禪師此下五人  
嗣皓師

仲義禪師

子瑜禪師

道如禪師

仲良禪師

興道旁出世家

興善守素禪師

至行旁出世家

天台良潛法師至行二紀人

天台光韶法師

天台敬文法師

天台刺史韋珩至行本紀行

天台維燭法師

正定旁出世家

天台敬休法師

天台慧凝法師

天台處原法師嗣疑

天台玄廣法師

妙說旁出世家

國寧常操法師

國寧義從法師嗣操

日本最澄法師

國寧德儔法師嗣從 定水慧贊法師四明下二

法性修雅法師會稽

高論旁出世家

慈光志因法師

演教覺彌法師錢唐龍興

慈光晤恩法師此下四人

雍熙可榮法師姑蘇

海南懷贄法師

錢唐義清法師

奉先源清法師

靈光洪敏法師

慈光可嚴法師

慈光文備法師

梵天慶昭法師此下四人

孤山智圓法師

崇福慶鸞法師錢唐

開元德聰法師會稽

廣慧蘊常法師錢唐

嚴師嗣

世六 永福咸潤法師 此下三人 嗣昭師 報恩智仁法師 會稽

永嘉繼齊法師 孤山惟雅法師 嗣圓師

世十 永福善朋法師 會稽 潤師

淨光旁出世家

世二 慧光宗昱法師 國清 廣教澄或法師 錢唐

廣教寶翔法師 錢唐 石壁行靖法師 錢唐

石壁行紹法師 勝光瑞先法師 天今

通鑑知廉法師 崇法願齊法師

高麗諦觀法師 吳越錢忠懿王

常寧契能法師 溫此下十師 嗣昱師 通照覺明法師 錢唐 千頃

安國智臻法師 下並 錢唐 寶山懷慶法師

明教曉乘法師 寶藏悟真法師

頂山懷至法師 姑蘓 靈鷲志倫法師 下並 錢唐

安國肅閑法師 慈惠慶文法師 會稽

寶雲旁出世家

世二 天竺遵式法師 延慶異聞法師

興國有基法師 四明 廣慧體源法師 四明 與 短師 書

承天清曉法師 錢唐 錢唐善信法師 四明 本紀

章安旁出世家

禪師弘景富陽文氏貞觀二十二年於玉泉奉勅得度依章安稟受止觀常誦法華蒙普賢示身證明天童奉侍左右後於寺南十里別立精舍曰龍興天石

證聖元年詔同實又難陀等譯華嚴自天石至中宗  
凡三詔入宮供養為受戒師後乞還山帝勅於林光  
宮同天下名僧二十人修福置齋帝親賦詩令中書  
令李嶠等應和以為贈師捧詩長揖振錫而行天下  
榮之

禪師吉藏金陵人七歲依興皇朗法師出家次決大  
義後遊會稽止嘉祥寺誦演法華自著章疏智者再  
歸天台師與禪衆百餘人奉疏請誦法華不赴暨章  
安弘法播心因求法華玄義發卷一覽即便感悟乃  
焚棄舊疏深悔前作來投章安咨受觀法煬帝時敕  
住京師日嚴寺開演妙經四部雲擁唐高祖詔居延

興寺下日晨起沐浴焚香稱佛名安坐而化平時寫  
造妙經二千部講法華三百徧大品華嚴維摩大論  
各數十徧並著章疏行世臨終之日製死不怖論投  
筆而化

禪師明曠天台人依章安稟教觀廣化四衆專誦法  
華章安撰八教大意師首於三童寺錄受平時著述  
甚多今所存心經疏耳

禪師大慧唐太宗賜號而忘其名祖聞章安說止觀  
即得妙悟隱居南岳專事修禪鳥獸馴于座隅人服  
慈化

禪師智拔襄陽張氏六歲依常濟寺出家日誦法華

五紙經中理義略有規繩常曰斯經乃諸佛出世大事也一人一道非弘不通周聽既畢入京師值吉藏禪師命令覆述師曰一乘爲雲遂分爲三亦可一乘爲兩分爲三否衆無對藏師曰拔公此問深得經旨遂囑以大法後住耆闍山寺常講法華一年五徧真觀十四年九月於信士張英家開法華題竟與衆言別即於座上加跌而化

天宮旁出世家

禪師玄覺永嘉戴氏出家徧採三藏精天台止觀圓妙法門四威儀中常冥禪觀因左溪胡公激厲遂與東陽策禪師同詣曹溪見六祖振錫攜瓶遶祖三匝

祖曰夫沙門者具三千威儀八萬細行大德何方而至生大我慢師曰生死事大無常迅速祖曰何不體取無生了無速乎師曰體即無生了本無速祖曰如是如是于時大衆無不愕然師方具威儀參禮須臾告辭祖曰返太速乎師曰本自非動豈有速邪祖曰誰知非動師曰仁者自生分別祖曰汝甚得無生之意師曰無生豈有意邪祖曰無意誰當分別師曰分別亦非意祖歎曰善哉善哉少留一宿時謂之一宿覺翌日下山復回溫江學者輻湊號真覺大師唐宗先天元年安坐示滅塔于西山賜謚無相大師塔曰淨光慶州刺史魏靖緝所著文爲十卷號永嘉集

因草菴曰魏靖收遺文摠十篇為一集答友人書尚附其中而不收證道歌者何邪抑有說焉以證道名歌而如來設教修證之法不出藏通別圓今所謂道者藏通修證乎別圓修證乎若舍此而別有修證者得非求明所謂不依地位天魔外道者乎

義神智曰討疏尋經分別名相自不達耳非經論過不知討誰疏邪若慈恩等疏則可耳若天台疏皆有方軌攝法入心觀與經合非數他寶豈可謂之分別名相而已哉

洪覺範曰梵僧覺稱謂西竺且此歌為東土大乘經若以義天跋別傳議例之此歌特未遭有識者焚之耳

論曰左溪本紀稱與真覺為同門友真覺傳中稱左溪激厲遂謁曹溪而又言精於天台止觀之道是知同學于天台無可疑者况永嘉集中全用止觀遮照之旨至此當益信是宜繫之天宮用見師授之意但世傳證道歌辭旨乖戾昔人謂非真作豈不然乎

### 左溪旁出世家

禪師神邕字道恭晉太尉蔡謨之後世居越之諸暨在緇祿中間唱經聲必凝神靜聽年十三入道依法

華俊師開元二十六年奉敕得度從儼師學四分律儼曰此子必為學者司南既而去依左溪學止觀法華玄義五夏敷演聽者悅服天寶中遊長安居安國寺公卿問道結轍而至適安史繼亂振錫東歸道出襄漢有著作即韋子春學瞻氣剛與之酬酢子春墮負滿座驚服中書舍人范咸歎曰師可謂塵外摩尼取若珠之明論中師子取其論說既返故鄉居法華寺自至德訖大歷頻受眾請登壇授戒自丹陽以南金華以北稱為教授師建伽藍于焦山賜額大歷初中岳道士吳筠造論毀佛觀察使陳少遊請決之師約吳筠面論邪正旗鼓纔臨筠已敗北遂著翻邪論

三卷以攻餘黨弟子智昂靈澈進明慧照等依學有年咸明禪慧為當時聞人焉

禪師道遵字宗達吳興張氏年二十受具戒學毗尼復參左溪習止觀及法華三昧嘗從容謂門人曰堯舜之民不必獨義教之至也教若不至民何咎焉乃廣寫法華置經院於姑蘓支硎山舉高行沙門二七人常持法華以燭繼晝用揚大雄之慈聲大歷元年郡刺史韋元甫尚書劉晏等尊慕大乘相與表奏賜名法華道場於是自江以東置經院者十七所皆法於師也師於山中鑄像寫經講演妙法臨壇度人歲無虛景天寶元年於靈巖道場行法華三昧忽覩大

明上燭于天，身在光中，以問荆溪。溪釋之曰：智慧光明，從心流出，將以顯發第一義天者也。又嘗見此身在空中坐，先達謂是垢盡理明洞達無礙之相。興元元年七月晦，無疾告終。寺衆同夢大殿忽傾，咸知法匠將亡之兆。傳教門人靈輸法盛，道忻靈源，皆善弘禪法云。

禪師大義，蕭山徐氏，七歲授經，傳日誦數千言。年十二，入道于山陰靈隱寺。中宗登位，覃恩度人，試誦法華，中選第一。開元中，因喪親入佛隴，閱大藏，以益冥報。遂謁左溪，稟受止觀，大悟玄旨，常誦法華涅槃。大小戒本，以為正業。臨終之日，衆聞弦管之聲，議者謂

天帝迎請誦經之相

禪師元宗，永嘉吳氏，遊學至江陵，謁左溪，稟受禪要。後於紫金山專修禪觀，初是山中多虎，暴自師卜居，絕不見迹。一日學徒盛集，忽一老人趨拜座前，自言弟子，乃虎在此噬人多矣。因師開化，得脫業軀。今將生天上，特來報謝。言訖不見。大歷二年，端坐示滅。禪師道源，四明人，受業大寶寺。今慈溪，久依左溪。客受止觀之法，洞達與旨，學衆心服。李華左溪碑云：明

禪師法源受業越之法華學，左溪得其道。顏真卿撰

戒壇記，乃請止觀大師法源法泉同住，熏修時大歷六年也。



荆溪旁出世家

禪師普門岳陽何氏父玠為常州儀興尉因家焉師幼勤學問登進士第入仕于朝一旦悟世虛偽抽簪去髮居南岳寺左右唯儒釋典籍麻衣葛屨而已既而去謁荆溪學止觀法華之旨深有造詣善屬文尚古意荆溪敬之待以友道為釋籤輔行兩序自稱普門子其辭簡健歷指習禪者之弊梁肅稱之曰東南高僧普門元皓予甚深之友也送虛師序貞元八年季冬六日示寂于君山之偏室春秋八十四傳教門人曇環集遺文二百篇行於世儀興縣君山鄉淨樂寺荆溪之受業相去數里有南岳寺

禪師元皓字廣成吳門秦氏初於龍興寺從荆溪受法華止觀之道宴處山林居心三昧後住開元寺梁田二君勸其著述乃注解涅槃於首序中自錄所證著疏之時感庭階產異華人世莫識五采靈禽飛翔往來元和十二年仲冬示寂塔于虎丘之南原師之同學知名者百餘人不列僧數者翰林梁肅諫議田敦常侍崔恭三人也門人稟教名世者智淨仲儀子瑜道如仲良輩

禪師行滿萬州南浦人首造石霜學禪法後往天台聽荆溪說止觀頓悟妙旨因棲止華頂峯下智者院充茶頭夜卧土牀燒糞掃以煖其下脫衣就牀蚤虱

群嘍或捫其衣寂無有也所居檻外大松上有寄生  
小樹遇師出坐必嫋嫋低俯時謂此樹為茶頭作禮  
嫋而酌師於四十年間未嘗便溺或謂大士現身受  
反長也食而實不食故致此也開寶中預告人曰我且行矣  
即請衆誦文殊號泊然而化年八十八嘗著涅槃疏  
禪師法顯於毗陵建安寺築止觀堂請荆溪誦說其  
中梁肅為作止觀堂記

梁肅字敬之安定人大歷貞元間文士多尚古學唯  
肅最稱淵奧柳子厚記先友亦稱其最善為文嘗學  
天台之道於荆溪深得心要執弟子禮甚恭以止觀  
文義弘博覽者費日乃刪定為六卷慈雲有云文雖  
簡要而修相關

又述統例以繫于後謂止觀是救世明道之書又  
為大師傳論備敘傳教之大統此謂論其文則雄深  
雅健語其理則明白洞達御史崔恭論之曰知法要  
識權實作天台禪林寺碑達教源用境智作荆溪大  
師碑見崔恭作  
梁氏集序又曰朝廷尚德故以公為太子侍讀  
國尚實錄故以公為史館修撰發號令敷王猷故以  
公為翰林學士三職齊著則公之官於朝不為不達  
矣年過四十士林歸宗比夫顏子黃叔度不為不壽  
矣彼碌碌者老於郎署白首人世又何補哉  
李華字述叔趙州贊皇人累中進士宏辭科天寶十  
一年徙右補闕安祿山亂屏居江南李峴表置幕府

擢吏部員外郎。苦風痺，去官。客山陽，勸子弟力農。安於窮，稿晚事浮圖法，不甚著書。唯士大夫家傳墓版，州縣碑頌，時時齎金帛往，請乃強為應。嘗從荆溪受止觀為述大意一篇，大歷初卒于家。

興道旁出世家

法師守素，初從遂師受觀心之法。既悟，玄旨入。居京師，大興善寺，足不越閭。長誦法華，至三萬七千餘部。夜則虎狼侍座，聽經。食則烏鵲就掌，取粒。沙門幽玄贈之詩曰：三萬蓮經三十春，半生不踏院門塵。時以為寶錄。

高論旁出世家

法師晤恩字修已，路氏常熟人。年十三聞誦彌陀經，心有所感，遂投破山興福寺求度。初學毗尼，聞天台三觀六即之說，深符其意。嘗開運初造錢唐，慈光因師室，思誦次履述，剖析幽微。時稱義虎及繼踵開法道名大播。初具一家教典，自會昌毀廢，文義殘闕，師尋繹十妙，研數五重，講演大部二十餘過。法華大意昭著于世，師之力也。與人言，不問賢愚，悉示一乘圓意。或疑不善逗機，師曰：與作毒鼓之緣耳。平時一食不離衣鉢，不畜財貨。卧必右脇坐，必加趺履，親視明相。每布薩，此云淨住大眾雲集，潸然淚下。蓋思大集有無戒滿，閻浮之言也。每以淨業誨人，往生者多。感瑞

相雍熙三年八月朔中夜有白光自井而出謂門人曰吾報緣盡矣乃絕粒禁言一心念佛忽夢擁納沙門執金鑪焚香三繞其室自稱灌頂吾已生淨土嘉汝所修故來相迎夢覺語其徒猶聞異香二十五日為衆說止觀指歸及觀心大義即端坐面西而逝寺衆文偃聞空中絲竹鈴鐸之音久而漸遠茶毗得舍利無算後三十一年法孫智圓獲遺骨於學衆乃鑿石為塔葬于馬腦坡

法師文備字昭本福之候官鄭氏誦法華維摩圓覺十六觀小般若等精練不忘晉天福間至會稽傳百法論聞天台三觀為學者指南遂來謁因師晝夜研

心凡法華淨名光明疏句止觀諸文悉洞其旨每與同門息師覆述觀法莫逆於心思謂人曰備雖後進已與吾並驅於義解之途矣因師既沒復北面事恩以卒其業師氣度深靖終日如愚或勸其誨人師曰誦授滿門祖風未墜抗迹間居從吾所好於者陶神妙觀坐忘一室者三十餘秋雍熙二年八月微疾先是三出圓相謂侍人曰此吾所見淨土事也言訖累足而逝

法師慶昭字子文錢唐胡氏幼依開化院出家十三受具戒學天台之道於奉先清師用力十七年奉先謝世衆請師嗣誦宛有父師之風未幾徙居石壁屬

城南梵天遇明舍所居為講院師復請來居講風大振天禧元年四月無疾而化平時講說法華止觀諸部共百餘周傳教弟子自咸潤而下九十七人先是光明玄義有廣略二本恩師製發揮記解釋略本弟子清敏二師共結難辭輔成師義於是法智大師撰扶宗釋難力救廣本十種觀心師與孤山亦撰辨訛以救發揮之說法智乃復備引前後之文詳而論之號十義書而四明之學者始指恩清昭圓之學無為山外蓋敗之之辭云

法師智圓字無外自號中庸子或名潛夫錢唐徐氏學語即知孝悌稍長常析禾瀉水就石書字列花卉

若綿菴

祖曰反漢書叔孫通沿朝儀為縣菴戲為講

訓之狀父母異之令入空門八歲即受具戒二十一聞奉先清師傳天台三觀之道負笈造焉樞夜問辨凡二年而清亡遂往居西湖孤山學者如市杜門樂道與處士林通為鄰友王欽若出撫錢唐慈雲遺使邀師同往逐之師笑謂使人曰錢唐境上且駐卻一僧師早嬰瘵疾故又號病夫誦道吟哦未嘗少倦預戒門人曰吾歿後母厚葬以罪我母寢塔以誣我母謁有位求銘以虛羨我宜以陶器二合而瘞之立石志名字年月而已及亡門人如所戒斂以陶器斲所居巖以藏之不屋而壇時乾興元年二月也得年四

十有七。後積十五年。兩山頽門人開視陶器。肉身不壞。爪髮俱長。唇微開露齒。若珂玉。乃更襲新衣。屑衆香散其上。而重瘞之。重音仲崇寧三年。賜諡法慧大師。其所撰述文殊般若經疏遺教經疏各二卷。淨覺撰宣般若心經疏。瑞應經疏四十二章經注。不思議法門經疏。無量義經疏。玉慧覺撰善賢行法經疏。彌陀經疏各一卷。首楞嚴經疏十卷。世號十本疏主。又撰闡義鈔三卷。釋請觀索隱記四卷。釋光刊正記二卷。釋觀表微記一卷。釋光垂裕記十卷。釋淨名發源機要記二卷。釋玄百非鈔一卷。釋淨歸二十卷。釋金顯性錄四卷。釋金撫華鈔二卷。釋圭

益疏西資鈔一卷。釋自造詒謀鈔一卷。釋自造谷響鈔五卷。釋自造析重鈔一卷。釋自造正義一卷。釋自造法行化之旁贊云。嘗謂楞嚴一經。劇談常住真心的示一乘修證。爲最後垂範之典。門人有以撰疏爲請。曰此經解者已二三家。學者未安其說。師胡不以三觀四教約文申義。以啓後人。師從之。研覈大義。以爲智者三止之說。與經懸契。淨覺謂其得經之深。非諸師所可及也。林間錄天台開西天有首楞嚴。以世主土又清涼。云此經吾不得而見之矣。當有華官菩薩以文寫翻譯佛語。又數百年當有肉身比丘。以吾教此其疏四十二章經云。佛教東傳。與仲尼伯陽之

說爲三然孔老之訓談性命未極於唯心言報應未臻於三世至於治天下安國家不可一日無也至若釋氏之爲教指虛空界悉我自心非止言太極生兩儀玄牝爲天地根而已考善惡報應悉我自業非止言上帝無常天網恢恢而已有以見仲尼伯陽雖廣大悉備其於齊神明研至理者略指其趣耳大暢其妙者則存乎釋氏之教歟又曰復性有淺深言事有遠近不得不異也至於遷善遠惡勝殘去殺不得不同也

梵天昭法師法嗣

法師咸潤字巨源越上虞鄭氏七歲事等慈子明進

受具戒精究毗尼因入天台讀智者三觀文有所省遂詣錢唐開化昭師學博通法華淨名涅槃楞嚴之旨昭師敬其夙成俾之分座及昭師赴梵天復令自代景德四年上虞宰裴煥與里中緇素迎還等慈宣演大教天禧初徙講郡之隆教述籤疑以三種消伏俱約圓論爲淨覺所破昭師示寂復授以鑑拂嗣居梵天講演無虛日天聖三年徙居會稽永福聚徒五百日遣衆行化以供二時葺造普賢像率衆行道大士放光證明時人尊之曰懺主謂可亞慈雲也門人述其德曰師踞祝牀揮塵柄時漸三紀五舍百講業成名立無媿古人乃請李淑撰傳教弟子題名託善

朋為之首云

孤山圓法師法嗣

法師惟雅又依孤山悉得其旨孤山製西資鈔以解彌陀疏扶病隱凡口占其文使雅師筆之初日午後染毫翌月初夜絕筆云

鏡菴曰孤山以高世之才彌天之筆著十疏以通經述諸鈔以解疏其於翼贊教門厥功茂矣但其相承所說法門言境觀則以真心為境論揔別則以理性為揔判事法二觀不許修證廢光明廣本不用觀心唯論心具心造不許色具色造如是等義布諸簡策於是義學之士有習其說者世必稱

為山外諸師之見惜哉夫稱宗師者須具三眼一曰教眼明識權實大小之法也二曰道眼親踐諸行修證之門也三曰宗眼深窮圓頓即具之旨也往往山外諸師宗眼未明以故所見未臻圓極耳別教菩薩神通智慧豈容思議以由未證圓位被斥為權又初地不知二地舉足下足一切聖賢皆以無為法而有差別然則議山外者請以此意恕之

淨光法師旁出世家

法師行靖與行紹皆錢唐人同依壽禪師出家通練律部同居石壁寺在龍山之西時韶國師法道大振



初往從之國師觀其法器即使往學三觀於螺溪之  
席二師既借往講求大義且夜不息未幾所學已成  
乃復回石壁為衆講說前後五十年確守山林之操  
未嘗出遊閭里吳中宿學皆服其高潔嵩明教諭之  
日出家於壽公學法於寂公見知於韶公三皆奇節  
異行不測人也二師皆得以親事之豈不偉歟  
法師知廉賜號通鑑又學螺溪以其師崇建殿宇將  
永歲寒之績為請彭城公錢儼忠懿王作傳教院碑於  
螺溪時太宗雍熙三年也

居民張彥安詣淨光曰家居東南里所陰晦之久必  
有鬼神吟嘯考擊鐘鼓之聲又嘗夢龍遊其地未幾  
民功可居願以奉師師往視之見山水秀異謂衆曰  
此伽藍地也夢龍遊者豈龍樹之道將興此地邪因  
納之願齊初為法華經巖弟子聞其事以白師輟衆  
施三萬為建法堂厨屋覆苦累塊悉尚朴素蓋稟師  
之誠也既成淨光與學徒二十人俱往既而雲居韶  
禪師寺在天台為疏于漢南王處懿王子吳越亦集改元  
諸子多甘王有漢南郡詩即施射架懺堂諸屋以廣  
秦陳諸王之稱見臨安志院見錢儼撰傳教法師諦觀高麗國人初吳越王因覽永嘉集同除四

住之語以問韶國師韶曰此是教義可問天台義寂  
即召問之對曰此智者妙玄位妙中文妙玄既改先  
錄知之必寂師唐末教籍流散海外今不復存於是  
先曾見殘編耳不存未審  
吳越王遣使致書以五十種寶往高麗求之其國令  
諸觀來奉教乘而智論疏仁王疏華嚴骨目五百門  
等禁不令傳且戒觀師於中國求師問難若不能答  
則奪教文以回觀師既至聞螺溪善講授即往參詣  
一見心服遂禮為師嘗以所製四教儀藏於篋人無  
知者師留螺溪十年一日坐亡後人見故篋故光開  
視之唯此書而已由是盛傳諸方大為初學發蒙之  
助云

述曰吳越王杭海取教實基於同除四住之語及  
觀師製四教儀至明圓教中故特標永嘉云者所  
以寓當時之意俾後人無忘發起也此書即荆溪  
八教大意觀師略加修治易以今名沒前人之功  
深所不可

吳越忠懿王錢弘俶字文明此為杭之臨安人祖武  
肅王鏐音流唐僖宗時率鄉兵破走黃巢名聞江淮復  
以八都兵討劉漢宏并越州以奉董昌而自居於杭  
昭宗時昌以越叛鏐貽書切責不聽乃悉兵誅之自  
是盡有浙東西之地乾寧四年始封吳越王梁開平  
初加封尚父淮海節度使傳子文穆王元瓘瓘子忠

獻王仁佐忠獻破李景兵取福州既卒弟侑嗣位明  
敏嚴毅為大將胡進思所忌遂之子孫私謚乃迎立  
叔即文穆第九子徽始於晉開運中中為台州刺史  
本太祖建隆元年授天下兵馬大元帥乾德元年  
冬郊禮遣子惟濬入貢開寶八年隨王師克金陵唐  
李後主後九年二月入朝詔賜鈔履上殿詔書不名封其  
妻孫氏為吳越國王妃四月歸國太宗太平興國三  
年三月入朝乞以所管十三州版籍歸天府詔許之  
改封淮海國王賜玉冊金印居京師禮賢宅子惟濬  
惟治皆以節度領郡事忠懿居京師十二年而薨富  
貴榮盛莫與為比忠懿天性誠厚夙知敬佛慕阿育

王造八萬四千塔金銅精鋼冶鑄甚工中藏寶篋印  
心咒經亦及八萬四千數布散部內以為填寶填寶同  
錢唐諸邑西湖南北山諸刹相望皆忠懿之創立也  
尊事沙門若天合韶國師求明壽禪師皆待以師禮  
又嘗召螺溪寂法師至金門建講問智者教義以典  
籍不全慨然遣使齎重寶求遺書於高麗日本於是  
一家教卷復見今盛螺溪得以授之寶雲寶雲得以  
傳之四明而法智遂專中興之名推原其自實忠懿  
護教之功為多也王嘗造金字法華經二十部散施  
名山今國清所  
述曰清獻趙公有言錢氏五王三世凡百年當天

下大亂以數州之地盜名字者甚衆獨吳越奉屢  
朝之正朔不絕貢獻不失臣節皇宋受命又  
能封府庫籍郡縣請吏于上仁足以保民智足以  
全族唯錢氏一門耳歐陽公五代史則曰錢氏崛起  
非有功德百年之際虐用其民嘗何二公立論  
之相矣邪當五季時崛起而僭號者曾何有平功  
德重敏以困民窮兵以殺民天下皆是也豈能若  
錢氏全民土而歸聖朝邪至哉清獻之辭仁以  
保民智以全族歐陽亦太過論矣

國清是法師法嗣

法師契能永嘉人神悟謙公之師得教旨於昱法師

主天台常寧講道不倦自智者而來以鑪拂傳授為  
信至師嫡承為十四代晚年以授扶宗忠師扶宗曰  
吾得法廣智矣敢辭師乃藏之天台道場遂不復傳  
述曰螺溪門弟子以百數而本傳指寶雲為高第  
不載昱師名疑昱師見螺溪在最先故早傳鑪拂  
寶雲後至而其道大振故傳中推為上首以此言  
乏在道不在鑪拂也夫鑪拂祖師之信器傳之又  
不能無弊或以情得或以力取於道何預焉能師  
欲傳之扶宗而辭不受固也藏之祖師行道之場  
而去且也向使扶宗妄受復妄傳適足以起後之  
紛諍於道何在焉

寶雲秀出世家

法師遵式字知白葉氏天台寧海人母王氏乞男於  
觀音夢表女以明珠與而吞之生七月能從母稱觀  
音名太祖乾德元年癸亥歲生稍長不樂隨兄為賈潛往東山依  
義全師出家全先夢有童子踞佛像之首已而師至  
年二十太宗太平七年壬午往禪林受具戒明年習律學于守  
初師繼入國清普賢像前燼一指誓傳天台之道雍  
熙元年來學四明二年二道中夢老僧謂曰吾支殊和  
上也及見寶雲正所夢僧即北面受業未幾智解秀  
出智者諱日然頃終朝誓力行四三昧端拱元年寶  
雲入寂師乃反天台以苦學感疾至於嘔血毅然入

大慈佛室用消伏叱法自詛曰若四教興行在我則  
其疾有瘳不爾則畢命于此至三十七日聞空中呼曰  
遵式不又將死師益不懈五七日見死屍盈室師踐  
之而行其屍即沒滿七七日空中聲曰十方諸佛增  
汝福壽其夕如寐見一巨人持金剛杵以撥其口又  
掌親見觀音垂手於師口引出數蟲復舒指注甘露  
於口身心清涼宿疾頓愈既而頂高寸餘手垂過膝  
聲若鴻鐘肌如白玉淳化元年年八衆請居寶雲講  
法華維摩涅槃光明未嘗間歇有施氏懷胎驢日伏  
座下若聽法狀如是四旬產已不復至嘗往見法智  
闍門外警教呼侍者曰適聞外聲有若聖人然侍者

亟出視反報言慈雲至法智大驚曰吾兄轉報矣至  
道二年結縑素專修淨業作誓生西方記又自辛觀  
音幽贊命匠刻梅檀像及自身頂戴之相撰十四誓  
願納其腹工有誤折所執揚枝者師大懼即手接之  
此像今在不膠漆而合咸平三年真四明大旱郡人  
請祈雨師同法智異聞師率衆行請觀音三昧冥約  
三月不雨當焚其軀如期雨大至太守繭爲建碑以  
述靈異四年寓慈溪大雷山治定請觀音消伏毒害  
懺儀五年師年四十一自淨化庚寅至咸平歸天台主  
東掖以徒屬之繁即西隅益建精舍衆修念佛三  
昧有白鶴廟居民甚神之師與神授戒改祭爲齋神

與民俱聽命乃爲著野廟誌以戒之祥符四年章郇  
公得領郡事夏制之始延師入景德講止觀垂畢有  
三沙門披納而至請預孟蘭盆講席揖其坐忽不見  
道經黃巖有豕奔伏于前推其來乃逸於屠肆者償  
其直而豕于妙喜寺名之曰遇善夫豕赤山寺瀕海  
而高師遽謂人曰此宜建塔先是山巔有異光中有  
七層浮圖之形光照海上周四十里皆漁人之簷梁  
或以語師師喜其有先兆遂建塔焉於是居人感化  
不復爲漁時東山結懺會天大旱師卓錫石縫泉即  
激涌矚泉七年杭昭慶齊一率衆致請初杭人屢請  
西度未之許至是始見從師嘗夢居母胎十二年及

出胎入杭果應其數師三昭慶大揚誦說杭俗好以酒肴會葬師為說佛事之勝卒變葷為齋因為著戒酒肉慈慧法門嘗夜施搏食於水濱漁者聞眾鬼曰今夜雪甚師不至矣一鬼曰師慈悲人必不忘我須臾師籠燈踏雪而至八年蘇人以郡符近師於開元建譚緇素畢集不葷飲者傾市邑屠酤不售官監有失課之言師辭其徒曰智者遺晉王書有言六恨其一謂以法集勳最效官為人所忌余今德薄安可久留遂幡然復杭智者遺書云荆州法集聽眾一千學衆用彌官人故朝同雲合暮為雨散設有善萌不復增長此五恨也刺史薛頤始以靈山命師居之即隋真觀師所營天竺寺也寺西有陳

時所植檜巢寇燬僅存枯枿是年冬枝葉復生因名重榮檜賦詩刻石以兆道場重建之端治定往生淨土懺儀九年天台僧正慧思詣京師因盛稱師之道始賜紫服三月天台郡人以郡符請赴石梁壽昌講法華八月過東掖十月復歸天竺天禧元年侍郎馬亮守錢唐雅尚淨業造師問道師為撰淨土行願法門淨土略傳職方郎中崔育才問施食之道師為觀想一篇見金三年丞相王文穆公撫杭各欽若首率僚屬訪師山中請講法華及心佛眾生三法妙義才辯清發衣冠為之屬目公對眾嗟賞曰此道未始聞此人未始見也別集師以天台宗教本末具陳

於公四年公為奏錫天竺舊名復其寺為教而親為書額復與秦國夫人施財六百萬以建大殿公掌致書問天台立教及解經義旨與今古孰為優劣師先答立教大義次出諸子索車之文錄古義一二及慈恩破天台義對智者正釋並決是非以為古今諸師無一可取公覽文識義益加信喜集見師以智者昔於天台江上護生事白於公因奏請西湖為放生池為主上祝壽後文穆尹應天府因微疾夢與師會疾即除愈遂奉書道其事及移鎮江寧州遷師府舍朝夕問法一留三月因為著十法界觀心圖注南岳心要偈會乾元節公以其道聞于上乃賜慈雲之號乾

興元年章懿太后仁宗母李氏錢唐人其父仁德以師熏修精至遣使齋白金百兩命於山中為國行懺師為著金光明護國道場儀上之因奏天台教文乞入大藏事未行而公薨天聖元年許內臣揚懷古降香入山啟師道德復為奏之明年始得旨入藏賜白金百兩飯千僧以為慶師乃撰教藏隨函目錄略述諸部大義謂玄義者統明五時廣辨八教出世大意蘊乎其中文句者謂以疏句公節經文荆溪各有記釋猶五經之有正義也唐孔穎達為五經作正義止觀者定慧之異名即法華之行門也前玄義文句皆明佛世當機得益之事縱有託事附法觀心之文非部正意今止觀正是智者說



已心中所行法門自行因果化他無所不具焉又  
於普門品加別譯重頌緇素皆遵誦之天聖四年謙  
議胡則守郡屢入山問道欣領法要為施金造山門  
廊宇五年中秋月望之夜望非桂子降于殿庭師取  
其實播種林下乃作桂子之詩六年正月遣學徒往  
四明致祭于法智有祭文悼詩之作始於寺東建日  
觀菴遂想西方為往生之業九年講淨名經忽謂其  
徒曰昔在東掖誦此經夢荆溪披我經卷及出室視  
日已沒今吾殆終此誦乎因與眾訣曰我住台杭二  
寺垂四十年長用十方為意今付誦席宜從吾志命  
弟子祖韶曰汝當紹我道場持此蠶拂勿為最後斷

佛種人遂作謝三緣詩謂謝徒屬絕賓友焚筆硯也  
是年八月徙居東嶺之草堂明道元年十月八日示  
疾不用醫藥唯說法以勉徒眾十日令請彌陀像以  
證其終門人尚欲有禱以觀音至師炷香瞻像祝之  
曰我觀觀世音前際不來後際不去十方諸佛同住  
實際願住此實際受我一炷之香或扣其所歸對以  
寂光淨土至夜奄然坐逝師嘗製龕銘曰遐榻既入  
斂越七日形貌如生壽六十九夏五十逝之夕山中  
人見大星殞于靈鷲峯紅光赫然冥法者文昌等二  
十五人登門學者以千數度弟子若虛輩垂百人明  
年仲春四日奉遐榻葬于寺東月桂峯下與隋觀法

師為之鄰焉師如善詞翰有詩人之風其詩集曰采  
遺曰靈苑其雜著曰金園曰天竺別集皆行於世有  
貴官注撈嚴求師印可師烹烈燄謂之曰閣下留心  
佛法誠為希有今先申三問若答之契理當為流通  
若其不合當付此火官詰之師曰真精妙元性淨明  
心不知如何注釋三四四三宛轉十二流變三疊一  
十百千為是何義昔師注者云初變一為十以三三  
四方互成百二十二變百為千三三三變千為萬  
百是為一十百千為一三疊凡三番織成其數二十五  
身三根各當四百實得六千六百根功德也  
一為變生十百千為三疊凡三番織成其數二十五  
聖所證圓通既云實無優劣文殊何得獨取觀音其  
人因措師即舉付火中於是撈嚴三闈自茲而出仁

宗閱師所進光明護國儀至聖帝仁王慈臨無際之  
文撫几歎曰朕得此人足以致治亟令宣召則已入  
寂矣師始出家郡校諸生慕師才俊兔回業儒為詩  
答盧積中有真空是選場大覺為官位之向人多誦  
之常行三昧以九十月為期於行道四隅置鐵熾炭  
遇困倦則漬手于鐵十指唯存其三其建光明熾殿  
每架一椽登一壁輒誦大悲咒七徧以示聖法加被  
不可沮壞之意故建炎虜寇積薪以焚其屋儼然既  
方臘陳通之亂三經返火皆不能焚至今異國相傳  
目為燒不著寺茲豈獨顯教門之神迹誠有以教國  
家之有道也崇寧三年賜號法寶大師紹興三十年

特謚藏主禪慧法師塔曰瑞光行業曲記修三昧記

鏡菴曰道藉人弘人必依處此三者不可不畢備

也吾道始行於陳隋盛於唐而替於五代逮我

聖朝此道復興螺溪寶雲振於前四明慈雲大其

後是以法智之創南湖慈雲之建靈山皆忘龜為

法以固其願而繼之以神照啟白蓮辯才北上竺

於是湘河東西並開講席卒能藉此諸刹安廣衆

以行大道孰謂傳弘之任不在於處邪然靈山之

刹三罹寇火而不能壞此豈非至人誦咒加功願

力堅固之驗也哉

江州太守許端夫序其詩曰慈雲之詩文貫於道

言切於理酷似陶彭澤蓋合於情動形言止乎禮

義之意昔貫休作禪月集初不聞道而才情俊逸

有失輔教之義中庸子作閭居編言雖鳴道而文

句闕冗有失詩人之體慈雲則不然文既清麗理

亦昭顯雅正簡淡有晉宋之風蓋其道業宏大故

詩名不行也云

法師異聞餘杭人潛心天台之學每謂但解未足以

展志故汲汲以修諸三昧為要務及來參寶雲盡通

其旨至道三年法智弘道於延慶輔贊之功為多以

寺宇頽毀乃同丹丘覺圓并力經理不逾三載衆工

畢就法智立誠誓之石示十方之規必聯次師名稱

二師云。後同法智。結十僧行。長懺三年。誓焚軀。以報佛恩。時揚文公。屢貽書勸止。事竟不行。師居延慶。四十年。凡法智所修三昧。未嘗不預。

法師有基字。及賢。錢唐王氏。母夢梵僧授以舍利。吞之。遂有娠。生五歲。從天台壽昌法超。為師十歲。受具。閑四明寶雲傳智者教。徃事之。授以法華止觀。隨言解義。曲盡其妙。端拱元年。郡人請演教於太平興國寺。學者常數百人。每白黑月。必集眾。自升高座。誦菩薩戒法。勸道族念佛。四十年。至萬人。凶年。持鉢以供聽眾。祥符八年六月。示疾。弟子令祥請曰。和上西歸。寧無留訓。師乃廣談圓旨。經時不已。眾忽見西方。現

光空中。樂奏。師曰。西方三聖人來也。即右脇西向。而化。茶毗。舍利莫數。門人悟持結塔於慈溪之靈龜山。有夢師威儀迎往西方者。有夢師坐寺蓮華對佛說法者。有夢同三身如來入靈塔者。有夢彌陀授記為超壯如來者。法智聞其逝。歎曰。卧病談玄。臨終見佛。是可敬也。內翰揚億。致敬真相。為之作贊。全三學撰行業碑在

福源

諸祖旁出世家第二

到日... 山... 內... 神... 靈... 異... 蹟... 之... 奇... 蹟... 也...  
 其... 地... 勢... 險... 峻... 且... 有... 泉... 石... 之... 勝... 蹟... 也...  
 夫... 此... 山... 之... 名... 也... 其... 名... 之... 由... 來... 亦... 有... 其... 故... 也...  
 昔... 人... 謂... 此... 山... 之... 名... 也... 其... 名... 之... 由... 來... 亦... 有... 其... 故... 也...  
 此... 茶... 池... 也... 其... 名... 之... 由... 來... 亦... 有... 其... 故... 也...  
 夫... 此... 山... 之... 名... 也... 其... 名... 之... 由... 來... 亦... 有... 其... 故... 也...  
 昔... 人... 謂... 此... 山... 之... 名... 也... 其... 名... 之... 由... 來... 亦... 有... 其... 故... 也...



